

— Զենովայի պրոֆեսորներից մէկը Revue des Revues հանդիսի մէջ գրած մի յօդուածով ապացուցանում է, որ Ամերիկայի գիւտի իսկական հեղինակը Ֆլորենցայի մի գիտնական է, Պաօլօ Տոսկանելլի անունով: Պորտուգալիայում արդէն ծրագիր էր կազմուում մի նոր, ուղիղ գծով հաղորդակցութիւն հաստատելու Եւրոպայի և Ասիայի ամերիկայի մէջ, փոխանակ Ամերիկայի հարաւային կողմով շրջան առնելու՝ երբ պատահամբ, նաւակոծութեան հանդիպելով, այնտեղ եկաւ Քր. Վոլմորսոս, նա այստեղ տեղեկացաւ, որ Ֆլորենցայի նշանաւոր բժիշկ և աշխարհագրագէտ Տոսկանելլին ունի շատ հմուտ կերպով կազմուած մի ծրագիր դէպի արեւմուտք Ճանապարհորդութեան համար, բանակցութեան մէջ մտաւ նորա հետ, ստացաւ նորանից քարտէզներ և կարեւոր հրահանգներ, որոնցով առաջնորդուելով և կարողացաւ իւր մեծ գիտն անել, Տոսկանելլին այդ ժամանակ արդէն մեռած էր, ուստի և նորա գատը պաշտպանող չեղաւ ու նա մնաց անյայտ: Այդ անունն ասպարէզ գալն այժմ այն նշանակութիւնն ունի, որ Ամերիկայի գիտն այլ ևս իբրեւ մի համարձակ քայլի հետեանք կամ բաղդի բերմունք պէտք է չհամարուի, այլ վերածնութեան դարում սկսուած գիտնական լուրջ աշխատութեան արդիւնք:

* *

ՍՈՒՐ ՄՏՔԵՐ:

Առանձնութիւնը այնպիսի վայելք է, որ ոչ ոքի հետ բաժանել չի կարելի:

Ոսկւով ծախած խօսքերը ոսկէ խօսքեր չեն լինում:

Հատ մարդիկ կարծում են՝ առաքինութիւնն ուրիշ ոչինչ է, բայց եթէ խիստ լինել դէպի օտարները:

Հատերը բաղդը ձեռքից բաց են թողնում՝ բաղդ որոնելու համար:

Թշնամիներին մարդ աւելի է յիշում, քան բարեկամներին:

Յետոտ փողոցով անցնելիս, ինչքան և դու ինքըդ զգոյշ լինիս՝ ուրիշները քեզ կցետոտեն:

Եթէ մենք ինքներս այնչափ շատ պակասութիւններ չունենայինք՝ այնպիսի մեծ զուարճութիւն չէր պատճառի մեզ ուրիշների մօտ պակասութիւններ գտնելը:

Ամենալաւ միտմարութիւնը օգնութիւնն է:

Ամենաբաղդաւորները նախ են, որոնք բաղդի կարիք չունին:

Որչափ մարդու հաստատակամութիւնը պակասում է, այնչափ աւելանում է կնոջ զօրութիւնը:

Համեստ մարդիկ յաճախ օտարների նախանձի պատճառով են սկսում ուշադրութիւն դարձնել իրենց առաւելութիւնների վերայ:

Որչափ շատ բան կայ մէկի մէջ՝ նոյնչափ շատ գտնում է նաև ուրիշների մէջ:

Համեմատիւր ունեցածդ ուրիշների ունեցածի հետ՝ բաղդ կայ, որ կաւելացնես, բաղդ կայ, որ կկորցնես:

Պան սիրուն ծաղիկներ ճանապարհի վերայ ծաղկած, որոնցով ոչ ոք չի հետաքրքրուում. բայց եթէ տանես ժայռերի գլխին ու ձորերի խորքում տնկես՝ շատերը շինք կկտորեն ձեռք բերելու համար:

Ա. Իմ գանձը իմ գիտութիւնն է: — Բ. Որտեղ էք թաղել ուրեմն այդ գանձը:



ԵԿԵՂԵՑԻ ՀԱՅԱՍՏԱՆԵԱՅՑ

ՔԱՐՈՉՔ ՄԵՐ ՄԷՁ.

Տարուայ այն օրերն են, երբ մեր եկեղեցւոյ քեմից եւս թէպէտ դժբաղդաւար ոչ ամեն տեղ քարոզ է լսուում: Յանկալի էր ի հարկէ, որ Տիրոջ կենդանի խօսքի քարոզութիւնը իւր տաճարներից երբէք, տարուայ ոչ մի ժամանակ, պակաս չլինէր. սակայն զոր լինինք առայժմ՝ այս սակաւ օրերով եւ հարցնենք՝ արդեօք ի՞նչ չափով զոնէ այդ սահմանափակ շրջանի մէջ քարոզի պահանջը լրումն է գտնում մեզանում:

Պէտք է խոստովանենք, որ մենք ինքներս այնչափ փորձառութիւն եւ ընդարձակ ծանօթութիւններ չունինք, որ կարողանայինք բազմակողմանի կերպով քննադատել եղածը, թերութիւններն ու զեղծումները ցոյց տալ եւ ուղիղ մասաւարճ գծել. բայց այդ չի արգելում անշուշտ: